



# UNDANG-UNDANG MALAYSIA

---

CETAKAN SEMULA

---

**Akta 162**

## **AKTA PERSATUAN PALANG MERAH MALAYSIA (PERTUKARAN NAMA) 1975**

*Mengandungi segala pindaan hingga 1 Januari 2006*

DITERBITKAN OLEH  
PESURUHJAYA PENYEMAK UNDANG-UNDANG, MALAYSIA  
DI BAWAH KUASA AKTA PENYEMAKAN UNDANG-UNDANG 1968  
SECARA USAHA SAMA DENGAN  
PERCETAKAN NASIONAL MALAYSIA BHD  
2006

**AKTA PERSATUAN PALANG MERAH  
MALAYSIA (PERTUKARAN NAMA) 1975**

Tarikh Perkenan Diraja      ...    ...    ...    ...    21 Ogos 1975

Tarikh penyiaran dalam *Warta*    ...    ...    ...    4 September 1975

*CETAKAN SEMULA YANG TERDAHULU*

*Cetakan Semula Yang Pertama*    ...    ...    ...    ...    1998

*Cetakan Semula Yang Kedua*    ...    ...    ...    ...    2001

# UNDANG-UNDANG MALAYSIA

## Akta 162

### AKTA PERSATUAN PALANG MERAH MALAYSIA (PERTUKARAN NAMA) 1975

---

#### SUSUNAN SEKSYEN

---

#### Seksyen

1. Tajuk ringkas
2. Tafsiran
3. Pertukaran nama
4. Penggunaan lambang dan perkataan
5. Larangan penggunaan lambang tanpa kebenaran

#### JADUAL



## UNDANG-UNDANG MALAYSIA

### Akta 162

#### AKTA PERSATUAN PALANG MERAH MALAYSIA (PERTUKARAN NAMA) 1975

Suatu Akta bagi menukar nama dan lambang Persatuan Palang Merah Malaysia.

[5 September 1975]

**MAKA INILAH DIPERBUAT UNDANG-UNDANG** oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

#### **Tajuk ringkas**

1. Akta ini bolehlah dinamakan Akta Persatuan Palang Merah Malaysia (Pertukaran Nama) 1975.

#### **Tafsiran**

2. Dalam Akta ini, melainkan jika konteksnya menghendaki makna yang lain—

“Akta Pemerbadanan” ertinya Akta Persatuan Palang Merah Malaysia (Pemerbadanan) 1965 [*Akta 47 tahun 1965*];

“Perbadanan” ertinya Persatuan Palang Merah Malaysia yang ditubuhkan sebagai suatu pertubuhan perbadanan menurut seksyen 3 Akta Pemerbadanan.

#### **Pertukaran nama**

3. (1) Apabila Akta ini mula berkuat kuasa, Perbadanan hendaklah dikenali sebagai “Persatuan Bulan Sabit Merah Malaysia” atau, dalam bahasa Inggerisnya, “the Malaysian Red Crescent Society”; dan semua sebutan dalam mana-mana undang-undang bertulis mengenai Perbadanan hendaklah ditafsirkan dengan sewajarnya.

(2) Pertukaran nama yang diperuntukkan oleh subseksyen (1) tidaklah menyentuh apa-apa hak atau obligasi Perbadanan atau menjadikan cacat apa-apa prosiding undang-undang yang dibawa oleh atau terhadapnya; dan apa-apa prosiding undang-undang yang mungkin diteruskan atau dimulakan oleh atau terhadapnya sebelum Akta ini mula berkuat kuasa boleh diteruskan atau dimulakan di bawah nama barunya.

### **Penggunaan lambang dan perkataan**

**4.** (1) Tanpa menjejaskan hak orang lain, apabila Akta ini mula berkuat kuasa, hak untuk menggunakan lambang bulan sabit merah yang berlatar belakang warna putih, sebagaimana yang digambarkan dalam Jadual, dan perkataan “Bulan Sabit Merah” atau, dalam bahasa Inggerisnya, “Red Crescent”, hendaklah terletak hak pada Perbadanan, dan Perbadanan hendaklah menggunakan lambang itu.

(2) Apabila Akta ini mula berkuat kuasa, seksyen 10 Akta Pemerbadanan hendaklah terhenti berkuat kuasa, dan hak yang terletak hak pada Perbadanan oleh seksyen itu untuk menggunakan lambang palang merah yang berlatar belakang warna putih dan perkataan “Red Cross” dan “Geneva Cross” hendaklah terhenti terletak hak pada Perbadanan, dan Perbadanan hendaklah terhenti menggunakan lambang dan perkataan itu.

### **Larangan penggunaan lambang tanpa kebenaran**

**5.** (1) Tidak sah di sisi undang-undang bagi mana-mana orang, selain daripada Perbadanan dan kakitangannya, pegawai dan ahlinya, untuk menggunakan bagi maksud perdagangan atau perniagaannya, atau bagi apa-apa jua maksud lain, dalam Persekutuan tanpa kebenaran Menteri, lambang bulan sabit merah yang berlatar belakang warna putih, sebagaimana yang digambarkan dalam Jadual, dan perkataan “Bulan Sabit Merah” atau, dalam bahasa Inggerisnya, “Red Crescent”.


(2) Jika mana-mana orang melanggar subseksyen (1), dia melakukan suatu kesalahan dan, apabila disabitkan boleh didenda tidak melebihi tiga ratus ringgit; dan apa-apa barang yang padanya atau berkaitan dengannya lambang atau perkataan itu, mengikut mana-mana yang berkenaan, telah digunakan boleh dilucuthakkan.

(3) Jika sesuatu kesalahan yang dilakukan oleh suatu pertubuhan perbadanan atau pertubuhan dibuktikan telah dilakukan dengan persetujuan atau dibiarkan oleh mana-mana pengarah, pengurus, setiausaha atau pegawai lain pertubuhan perbadanan atau pertubuhan itu, maka pengarah, pengurus, setiausaha atau pegawai lain itu dan juga pertubuhan perbadanan atau pertubuhan itu hendaklah disifatkan melakukan kesalahan itu dan boleh didakwa dan dihukum dengan sewajarnya.

---

JADUAL

Lambang



**UNDANG-UNDANG MALAYSIA****Akta 162****AKTA PERSATUAN PALANG MERAH MALAYSIA  
(PERTUKARAN NAMA) 1975****SENARAI PINDAAN**

| Undang-undang<br>yang meminda | Tajuk ringkas                             | Berkuat kuasa<br>dari |
|-------------------------------|---|-----------------------|
| Akta 160                      | Akta Mata Wang Malaysia<br>(Ringgit) 1975 | 29-8-1975             |

---



**UNDANG-UNDANG MALAYSIA****Akta 162****AKTA PERSATUAN PALANG MERAH MALAYSIA  
(PERTUKARAN NAMA) 1975****SENARAI SEKSYEN YANG DIPINDA**

| Seksyen | Kuasa meminda | Berkuat kuasa<br>dari |
|---------|---------------|-----------------------|
| 5       | Akta 160      | 29-08-1975            |

---